



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3321/12
Sarajevo, 15.1.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16.01.2013			
Organizaciona jedinica	Klasifikaciona oznaka	Redni broj	Broj priloga
02-50-6-16-22/12			

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslanička pitanja – dostavlja se

Vijeće ministara Bosne i Hercegovine, na 34. sjednici održanoj 11.1.2013. godine, utvrdilo je Odgovor na izaslanička pitanja koja je postavila Nermina Kapetanović, izaslanica u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslanici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3321/12
Sarajevo, 11.1.2013. godine

Nermina Kapetanović, delegat u Domu naroda Parlamentarne skupštine Bosne i Hercegovine, na 22. sjednici Doma naroda održanoj 16.11.2012. godine postavila je sljedeća delegatska pitanja:

- „ 1. Dokle je stigao proces uspostave koordinacije za proces evropskih integracija?
2. Ko snosi odgovornost za neispunjenje obaveza, obzirom da su protekli dati rokovi?
3. Da li postoji sljedeći rok za ispunjenje obaveza?“

Na postavljeno pitanje, Vijeće ministara Bosne i Hercegovine je na 34. sjednici održanoj 11. 01. 2013. godine, utvrdilo sljedeći

ODGOVOR

1. Definisanje efikasnog mehanizma koordinacije procesa evropskih integracija predviđeno je kao jedna od aktivnosti u Mapi puta za zahtjev za članstvo Bosne i Hercegovine u Evropskoj uniji koja je usaglašena na prvom sastanku Dijaloga na visokom nivou o procesu pristupanja koji je održan u Briselu 27.06.2012. godine. Mapom puta je predviđeno da se ova aktivnost realizuje do 31.10.2012. godine.

Vijeće ministara Bosne i Hercegovine je na 23. sjednici održanoj 16.10.2012. godine donijelo Odluku o imenovanju Tima za izradu dokumenta Koordinacijskog mehanizma u procesu evropskih integracija (u prilogu odgovora dostavljamo Obavijest o zaključcima Vijeća ministara BiH, broj: 05-07-1-2927-1/12 od 16.10.2012. godine). U Sarajevu je 24.10.2012. godine održan prvi sastanak Tima na kojem su usuglašena načela na kojima će se zasnovati budući mehanizam koordinacije o pitanjima evropskih integracija:

- 1) uvažavanje ustavnih nadležnosti i zakonskih rješenja;
- 2) uvažavanje obaveza koje proističu iz procesa evropskih integracija;
- 3) identifikacija postojećih elemenata sistema koordinacije procesa evropskih integracija, analize slabosti, te potrebe nadogradnje i poboljšanja;
- 4) funkcionalnost i inkluzivnost svih nivoa vlasti;
- 5) uvažavanje potreba tehničke i političke koordinacije;
- 6) izrada i uspostavljanje mehanizma koordinacije predstavljaće rezultat rada domaćih institucija;
- 7) predloženi mehanizam koordinacije nadograđivaće se prema potrebama i zahtjevima procesa evropskih integracija.

Informaciju o prvom sastanku Tima za izradu dokumenta Koordinacijskog mehanizma u procesu evropskih integracija usvojilo je Vijeće ministara BiH na 25. sjednici održanoj 29.10.2012. godine.

Drugi sastanak Tima je održan 07.11.2012. kojom prilikom je raspravljano o postojećem sistemu koordinacije i eventualnoj nadogradnji istog. Treći sastanak Tima je zakazan za 18.12.2012. godine.

2. Definisanje i uspostavljanje efikasnog mehanizma koordinacije procesa evropskih integracija je zahtjevna aktivnosti. Obavljanje ove aktivnosti u okviru striktno zadatih rokova može otežati pronalaženje optimalnog rješenja za unapređenje mehanizma koordinacije procesa evropskih integracija.

3. Evropska komisija nije postavljala nove rokove za ispunjavanje uslova iz Mape puta koja i dalje važi. Aktivnosti Tima za izradu dokumenta Koordinacijskog mehanizma u procesu evropskih integracija će se nastaviti u budućnosti i iste nisu ograničene konkretnim rokovima.



BOSNA I HERCEGOVINA
VIJEĆE MINISTARA
Generalno tajništvo

Broj: 05-07-1-2927-1/12
 Sarajevo, 16.10.2012. godine

DIREKCIJA ZA EVROPSKE INTEGRACIJE

SARAJEVO

PREDMET: Obavijest o zaključcima Vijeća ministara BiH

BOSNA I HERCEGOVINA
 DIREKCIJA ZA EVROPSKE-EUROPSKE INTEGRACIJE
 SARAJEVO

-02/16.10.12. *ll*

PRIMLJENO: 16. 10. 12.			
Organizaciona jedinica	Klasifikaciona oznaka	Kodni broj	Broj priloga
02	06-	449-22	

Vijeće ministara Bosne i Hercegovine, na 23. sjednici održanoj 16.10.2012. godine, razmotrilo je i usvojilo Informaciju o nalazima i preporukama sadržanim u Izvještaju o napretku Bosne i Hercegovine za 2012. godinu i dokumentu Strategija proširenja i ključni izazovi 2012.-2013., te s tim u vezi donijelo sljedeće zaključke:

- zadužuju se ministarstva i druga tijela uprave da razmotre Izvještaj Evropske komisije o napretku Bosne i Hercegovine za 2012. godinu i dokument Strategija proširenja i ključni izazovi 2012.-2013. godine;

- zadužuju se ministarstva i druga tijela uprave da u svoje planove rada za 2013. godinu unesu aktivnosti kojima će se prevazići nedostaci navedeni u Izvještaju o napretku Bosne i Hercegovine za 2012. godinu i dokumentu Strategija proširenja i ključni izazovi 2012.-2013. godine.

Također, Vijeće ministara je donijelo Odluku o imenovanju Tima za izradu dokumenta Koordinacijskog mehanizma u procesu evropskih integracija u sastavu;

1. Saša Marić iz Ureda predsjedavajućeg Vijeća ministara – voditelj Tima;
2. Boško Kenjić iz Ministarstva vanjske trgovine i ekonomskih odnosa – član;
3. Amer Kapetanović iz Ministarstva vanjskih poslova – član;
4. Darija Ramljak iz Direkcije za evropske integracije – član;
5. Dva člana iz Federacije BiH koje će imenovati Vlada Federacije BiH;
6. Dva člana iz Republike Srpske koje će imenovati Vlada Republike Srpske;
7. Jedan član iz Brčko Distrikta BiH kojeg će imenovati Vlada Brčko Distrikta BiH;
8. Jedan član iz Kantona, kojeg imenuje koordinacija Kantona;

Zadužen je Generalni tajnik Vijeća ministara da upozna vlade entiteta, Vladu Brčko Distrikta BiH i kantonalne vlade o sadržaju odluke radi imenovanja njihovih predstavnika u Tim.

Također je zaključeno da se obaveže Tim da, što prije, a najkasnije do 30.10.2012. godine Vijeću ministara dostavi usaglašen, precizan i efikasan Dokument mehanizma koordinacije u procesu evropskih integracija.

O zaključcima vas informiramo radi njihove provedbe.

S poštovanjem,

GENERALNI TAJNIK
Zvonimir Kutleša